

宋

會

要

宋會要商稅四

廣南路 東路廣州舊在城及清遠增城新會四會信  
安懷樂縣扶胥口尼子馬頭上岡底口吉河東南河道  
十四務歲二萬七千二十二貫熙寧十年在城三萬七  
千三百八貫二百二十九文增城縣二千五百二十六  
貫三百九十四文新會縣五千六百一十六貫七百二  
十八文清遠縣六千七百七十貫八十四文懷集縣一  
千四百八十九貫三百六十九文東莞縣五千四十七  
貫四百一十八文金牛馬頭岡馬寧等鎮一千一百八  
十貫四百八十四文扶胥口鎮九百一十九貫三百四  
十三文尼子鎮一百五十九貫五百五十二文厥口鎮

四百二十貫七百四十七丈鄉遙場三百五十四貫五百六十五丈上雲場三十九貫八百三十九丈管曲龍場三百六十三貫三百八十七丈吉利場三千二百四十五貫四百九十丈亭頭場六百貫吉河場三十六貫九百五十七丈東南河道場二千六百二十四貫八百九十九丈 韶州舊在城及翁源樂昌仁化縣濠溪白石靈源樂昌場王壺嶺螺坑馬嶺舟頭高藤津十三務歲四千六百六十二貫熙寧十年在城一萬六千九百六十二貫一百五十四丈翁源縣五十七貫一百二十一文樂昌縣六百二十二貫四百五十四丈仁化縣五百六十二貫一百九十五丈濠溪鎮一千九百三貫

五百七十五丈白石場五十貫二百八十七丈大湖場  
三十貫五百三十一丈浙橋場二貫五百七十四丈靈  
源場一百八十一貫七百九十丈任汪場一百三十六  
貫七百七十三丈岑水場二千一百一十三貫二百三  
十七丈黃阮場一千一百六十貫一百三十五丈蘇平  
場二百九十六貫丈大富場九貫二百四十一丈石膏  
場七貫丈州頭津一千二百一十九貫三百三十一丈  
涪州舊在城及興寧龍川羅翊四務歲二千五百九十  
貫熙寧十年在城一十六貫一百三十五丈長樂縣三  
十二貫七百八十六丈興寧縣一貫九百九十六丈  
潮州舊在城及潮陽松口招迎黃崗五務歲萬七百九

十九貫丈熙寧十年在城一萬五千三百二十九貫一  
百七十四丈程鄉縣二千九百二十二貫九百六十二  
丈潮陽縣七千六百三十九貫二百六十五丈國灣鎮  
二千七百四十貫三百五十七丈黃崗鎮一百八十九  
貫九百二十五丈橫街錫場一百八十八貫丈烏湖溪  
銀場一百五十貫石<sup>丈</sup>阮銀場八貫五百丈樂口銀場五  
百九十貫六百五十丈強豐濟銀場三百二十二丈松  
口務三十一貫四百五十一丈焦溪鋪二百貫九百五  
十一丈招迎鋪二百九十二貫二十八丈連州舊在  
城及桐臺清龍保安四務歲四千一百一十五貫熙寧  
十年在城六千八百五十九貫四百五十六丈陽山縣

三百一十二貫四百三十二文連山縣三百七十貫二  
 百七十二文桐臺鎮八十二貫三百九十一文清龍鎮  
 六十三貫六百四十二文保安鎮二十六貫七百五十  
 五文賀州舊在城及進崗市武安短潭市北度樊村市  
 縣鄉市太平市古潭市川石市白博市古城亭步市寶  
 城市馮乘市大山市廣利市白霞市龍崗龍合市龍腹  
 市連峽溪市清河市寶建市桂嶺市二十一務歲二千  
 四百三十貫熙寧十年在城三千二百三十八貫四百  
 七十一文富川縣一千四百九十八貫四百九十六文  
 桂嶺縣五百八十五貫九百八十一文 封州舊在城  
 及開建縣六虛市三務歲千八百二十三貫熙寧十年

在城三千三百五十九貫四百八十二文外場二百一十五貫六百九十六文五虛二千一十六貫一百四十二文 端州舊在城一務歲二千六百五十九貫熙寧十年在城七千九百一十四貫六百一十一文四會縣三千二百三十七貫九百八十文三水鎮二十一貫五百七十八文胥口鎮八千五百五貫三百一十一文黃容步九十貫八百二十七文新州舊在城一務歲三百一貫熙寧十年在城九百一十八貫七十四文索盧場三十貫七十一文信安場七十七貫四百五十四文布榮場六十二貫三百四十文 康州舊在城及都城悅城龍水新虛歸虛晏虛霸園合水橫崗都合扶遠招商店十六務歲

五千五十五貫熙寧十年在城三千七百三十四貫七  
百八十五文龍水鎮五百八十六文都城鎮八百五十  
七貫四百一十五文悅城鎮五百二十貫六百一十二  
文南恩州舊在城一務歲八百四十六貫熙寧十年  
在城三千三百九十三貫七百六十九文陽春縣八百  
五十三文銅陵場八貫六百四十六文陽江場三千七  
貫二百八十五文峒山場三貫二百文博學場七貫五  
百五十二文富林場四貫三十四文耕峒場五貫八百  
一十一文朝祿場二貫三百四十三文錢頭場一十一  
貫三百七十七文白水場四貫八百三十二文丹輪場二  
貫八百五十四文南雄州舊在城及始興邑溪懷化



溪塘下坡六務歲六千七十三貫熙寧十年在城一萬  
二百二貫八百三十九丈始興縣二千一百三十三貫  
五百六十七丈溪塘鎮九百九十一貫八百二十三丈

英州舊在城及洽光清溪禮平賢德堯山竹溪羅口  
八務歲八千二百四貫熙寧十年在城一萬四千三百  
一十三貫二百四十二丈洽光縣八千六百三十六貫  
四百二丈竹溪場九百一十貫一百五十八丈鍾州場  
一百七十七貫二百九十六丈大康場一貫二百文安  
場八百九十四貫八百四十八丈羅口場三千二百二  
十四貫八百八十四丈清溪場五千七百七十五貫九  
百三十八丈堯山場九百七十四貫九百八十四丈師

駒一作鈎

子場四百二十五貫九百四丈賢德場八百二十九貫  
三五百十九丈銀江場二百三十貫四百八十一丈鳳  
林虛一百九十四貫七百九十四丈大岡虛七百八十  
八貫一百一十六丈陽溪虛四百八十三貫六百丈板  
步虛三百七貫四百四丈長岡虛四百八十二貫六百  
二十二丈黃中虛六百一貫二百七十七丈臺石虛八  
百四十六貫五丈光口虛三百九十三貫二百四丈龍  
崗虛四百三十五貫三百一十七丈白駒虛九百二十  
八貫七十六丈四口虛七百七十六貫一百九十一丈  
蓮塘虛三百五十一貫三接園三百二十二貫四百丈  
惠州舊在城及河源博羅海豐縣四務歲三千五百

九十一貫熙寧十年在城八千五百七十七貫七百七十七丈河源縣三千六百七十五貫六百七十三丈博羅縣一千四百二十八貫二百七十六丈海豐縣二千二百八十九貫四百四十三丈梅州舊在城及雙派場二務歲一千四十三貫今廢春州舊在城及銅陵縣陽江場錢頭博學富林洞石湖祿刺銅虛等九務歲四百二十六貫今廢西路桂州舊在城及臨桂陽朔永福恭化理定永寧義寧臨川脩仁荔蒲興安縣古縣胡桃場十四務歲四千九百五十五貫熙寧十年在城六千六百七十五貫四百三十五丈靈川縣一千四百八十二貫五百二十四丈興安縣一千九百二十一

貫一百五十四丈義寧縣七百七十一貫六百八十丈  
古縣三百五十一貫二百二十四丈荔蒲縣一千九百  
二十八貫九百一十九丈永福縣五百九十三貫五百  
五十一丈陽朔縣一千三百五十一貫七百一十三丈  
胡桃場四千七貫九百七十四丈脩仁場七百四貫四  
百六十七丈浪石場六十四貫五百四十三丈慕化縣  
五十貫三百九十六丈容州舊在城及北流陸川平龍  
傳常鎮五務歲三千四百三十九貫熙寧十年在城一  
千七百六十一貫六百七丈北流縣門龍門平溫中和  
歲石等場六百一十四貫九百二十丈陸川縣雙檐公  
平等五百一十二貫三百一十五丈博當鎮五十五貫

五百七十丈

邕州舊在城一務歲千六百七十九貫

熙寧十年在城二千五百九十八貫三百二十二丈外

場一千二百七十四貫八百六丈 象州舊在城及石

平利仁虛民武陽口武津金鎮七務歲千三百七十三

貫熙寧十年在城一千九百三十一貫八百一十五丈

來賓縣三百一十三貫二百八十九丈一分三釐武仙

縣六十一貫四百三十二丈六分六釐陽鎮口一十五

貫二百四丈四分二釐武津縣一十三貫一十五丈三

分一釐利仁虛七十四貫一十九丈一分六釐鄆賦虛

一十貫五百九十四丈油藍虛九貫一百九十一丈石

傳虛六貫三百一十二丈足莫虛三十九貫七百八十二

八丈大烏虛六十八貫六百二十三丈廣化虛三十七  
貫五十二丈張峒虛六貫三百七十八丈足連在虛一  
十二貫九百三十二丈五益鋪二貫二百四丈 融州  
舊在城一務歲二百六十七貫熙寧十年在城三百九  
十一貫三百四十八丈外場六十四貫 昭州舊在城  
及荆硤標安牛泉現步靜戎思賀白沙弄諸松門永安  
龍平恭城十二務歲千九百六十一貫熙寧十年在城  
二千一百四十四貫八百四十五丈立山縣九百一十  
八貫七百丈恭城場二百八十貫七十三丈 梧州舊  
在城一務歲二千二十一貫熙寧十年在城二千九百  
九十三貫七百五十一丈 藤州舊在城一務歲千三

百二十六貫熙寧十年在城二千五百二十一貫七百  
九十一丈岑溪縣三百二十四貫六百四十六丈常林  
場一百一十貫六百七十四丈小虛二百三十一貫六  
百三十二丈 龔州舊在城一務歲五百一十五貫熙  
寧十年在城一千二百四十八貫七百四十九丈 潯  
州舊在城及北津壽江三務歲八百六十三貫熙寧十  
年在城一千三百八十三貫二百八十一丈 貴州舊  
在城及含山穿山平悅康和都錄易今都零龍山鎮大  
利懷澤場十一務歲千三百一十一貫熙寧十年在城  
二千一百三十八貫九百五十六丈 柳州舊在城及  
樂晏柳城洛容洛信洛勾武義江口思順九務歲千八

百八貫熙寧十年在城十二務三千六百四十三貫四  
百六十五丈 宜州舊在城及智州懷遠軍富仁監革  
虛五務歲四千二百七十八貫熙寧十年在城二千三  
百九十六貫一百八十丈 智州河池縣一千二百一  
十三貫八百四十四丈富仁監五千八十四貫六百五  
十丈實富場一千五百一十五貫八百三十五丈懷遠  
寨四百九十六貫六百七十三丈天河等共一十五處  
三百九十貫三百六十丈 賓州舊在城及莫耶羅目  
古當四務歲千一百一十五貫熙寧十年在城二千二  
百一貫一百三文上林縣九十貫六百二十四丈邕江  
縣一百一十八貫二百九十六丈 橫州舊在城及北



口永定三務歲千二百七十六貫熙寧十年在城一千一百一十六貫五百七十七文外務三百六十三貫六十二文 化州舊在城及調良盧江零淶都實五務歲二千四百一十九貫熙寧十年在城四千二百五貫六百九十四文吳水縣一千三百七十二貫八百一十七文官寨場九百九貫一百三十五文都實廬口零淶東橋等場三百六十九貫二百八十文 高州舊在城茂名縣仙靈博鋪那黎瀧消六務歲三百七十一貫熙寧十年在城一千七十五貫七百三文茂石縣六百七十貫五百三十六文信宜縣七百四貫七百八十九文仙臺場一百一十四貫二百三十文博鋪場九十二貫四

百二十二丈船黎場一百一十貫九丈龍消場三十七  
貫六百三十六丈永興場一十四貫七百九十五丈船  
龍場四十八貫一十四丈都成津六十貫龐村浮艸津  
四千六貫八百丈鎮~~陽~~步津八貫四百丈奇津三十六貫  
丈 雷州舊在城及蘆江二務歲千一百二十六貫熙  
寧十年在城七千三百九十七貫五百四十六丈迎角  
場二千四百七十九貫二十四丈 白州舊在城一務  
歲千二十九貫熙寧十年在城一千六百二十七貫六  
百六十五丈 欽州舊在城一務歲千二十九貫熙寧  
十年在城四千二百八十貫二百一十三丈靈山縣三  
千一百八十七貫三百七十五丈外場一千九十二貫

八百三十八文

爵林州舊在城一務歲一千一百五

十五貫熙寧十年在城一千一百六十二貫五百四十

九文興業縣四百九貫八百四十二文綠鵝鎮三十八

貫一百八十九文 廬州舊在城及石康白石大廬平

陸五務歲二千三百六十六貫熙寧十年在城一千八

百七十七貫五百一十九文石康縣四百七十一貫六

百四十八文大廬場一百二十二貫九百四十二文平

陸場三十貫一百四十三文英羅場一百三十八貫一

百四十六文白石場五十貫五十一文三村場一十五

貫三百八十一文 瓊州舊在城一務歲四千二百八

十八貫熙寧十年在城一萬九千五百九十二貫四十

萬安軍舊不  
立額熙寧十  
年在城一千一  
百二十九貫一百  
四十二文  
添米崖軍上  
南儀州舊在  
城一務歲二百  
五十六貫今廢  
添太祖前

二丈 昌化軍舊不立額熙寧十年在城一萬六千五  
百三十九貫一百八十三丈昌化鎮二百八十五貫七  
百丈感恩鎮七十九貫四百八丈 朱崖軍舊在城一  
務歲二百貫熙寧十年在城一千二百三十七貫一百  
四十五丈 蒙州舊在城一務歲七百九十九貫今廢  
賓州舊在城及永興虛二務歲三百二十貫今廢  
太祖建隆元年四月詔諸州勿得苛留行旅資裝除貨  
幣當輸算外不得輒發篋搜索二年二月詔蔡穎河五  
丈河及汾河州縣民船載粟者勿算三年七月知舒州  
右諫議大夫馮瓚言州界淀泊產菰蒲魚菜居民採以  
自給前防禦使司起在任初率稅錢疲俗甚苦詔悉除

之四年八月詔曰登州沙島土居人戶深在海嶠皆出  
王租比聞自備舟船般載女真鞍馬眷言勞役宜示矜  
蠲應所納夏稅麴錢及沿納泛配諸雜物色并州縣差  
徭今後並與放免其渡馬廐般上木植自前州司多令  
抽納亦並除之乾德三年十月詔忠州等處偽蜀日以  
魚為膏輸其筭者悉罷之四年七月詔劔南道應偽蜀  
日有以米麵收筭者罷之六年四月免普州行鋪賃地  
錢開寶四年四月廣南轉運使王明言廣州承前止於  
河步收稅猪羊鵝鹿魚果并外場鎮課利歲收銅錢一  
千七十貫收復後來商旅甚多已令本州便宜置場收  
稅從之四月詔嶺南道應稅及鹽麴並依荆湖禁法十

月知邕州范旻言本州有制置務元是廣南創置不隸  
州縣占却稅戶自立營田復抽收商稅及將收到課利  
博場人戶甚受其弊詔令停廢其管抽收商稅割入商  
稅院六年七月詔廣南州縣歲輸稅米每石加率錢一  
百六十自今每碩止納十文餘並除放八月免成都府  
免家嫁娶資裝抽稅先是偽蜀時部民九嫁娶皆籍具  
幃帳粧奩之數佑價抽稅至是除之 太宗太平興國  
六年十月詔密州管内官牛百二十六頭先給於民歲  
輸租麥四百二十碩牛已死而租未免自今悉除之七  
年六月詔江淮湖浙民販蘆葦者勿筭八年四月漳州  
言龍溪等三縣民偽命日配充館夫檐擎物色及脩公

宇橋道後來本州將館夫紐價錢凡銅錢二千一百餘  
貫五十餘貫鐵錢二萬一千五百三十餘貫詔並除之  
八月詔桂州承前配納糖及茶葉并死傷牛租米及四  
處稅場增添年額共八十餘貫並與除罷九年十月鹽  
鐵使王明言西川峽路諸州商稅自來雜用銅錢其價  
不等請自今比市價每一貫收住稅三十過稅二十從  
之淳化元年二月一日詔諸處魚池舊皆省司管係與  
民爭利非朕素懷自今應池塘河湖魚鴨之類任民採  
取如經市貨賣即准舊例收稅先是淮南江浙荆湖廣  
南福建路當偕據之時應江湖及池潭陂塘聚魚之處  
皆納官錢或令人戶占買輸課或官遣吏主持太宗聞

其弊故有是詔二月詔曰秦州司馬堰先置板費人船  
過者取其筭除之四月詔興化軍兩浙僞命日以官牛  
賦於民歲輸租牛或死傷則令民買償自今除之仍以  
官牛給租牛戶八月詔舒州管內四處魚池除望江官  
池外其桐城縣大龍宿松縣小孤及長武湖等三處魚  
池特免稅任民採運十月十三日詔婺州金華東陽兩  
縣波湖歲取魚稅並除之縱民採捕吏勿禁二十一日  
詔興國軍大冶縣魚池潭步地江南諸江湖邊岸出船  
之地曰步以所生物為名若畝外麻步是生僞國日納  
魚稅外復於縉網每夫歲收十錢頗甚擾自今除之十  
二月十六日詔邕州瓊州僞命日每遇市集居人婦女



貨賣柴米者邕州人收一錢以為地鋪之直瓊州粳米計稅四錢糯米五錢並除之二年二月二十日詔峽路州軍於江置撞岸司賣人舡船至者每一舡納百錢已上至一千二百自今除之楊潤常三州商稅取算外境上又倍征者自今止得一度收稅二十四日詔曰關市之租其來舊矣用度所出未遑削除征算之條當從寬簡宜令諸路轉運司以部內州軍商稅名品參酌裁減以利細民閏二月詔峽路先是商人船載米麥計斗取其算并葦席等稅並除之十月江南轉運司言鄂州舊例鹽米出門皆收稅錢詔自今民販鬻斛斗及買官鹽出門並免收稅四年七月詔岳州歲輸魚膏四千五百

劉  
錢

八十斤斤納七錢並除之商人販易不得輒由私路募  
告者厚賞之九月禁兩京諸州不得挾持搜索以求所  
筭之物閏十月詔商人經潼關東西行者勿出筭五年  
五月詔曰古者市廛而不稅關譏而不征蓋所察奇袤  
而禁浮情者也國家筭及商賈以抑末游既以防民克  
助經費而當職之吏恣為煩苛規餘羨以市恩寵細碎  
必取掊克斯甚交易不行異夫通商惠工之旨也自今  
除商旅貨幣外其販夫販婦細碎交易收並不得收其  
筭當筭之物令有司件析頒行天下揭于板榜置官宇  
之屋壁以遵守焉國朝之制劉帛什器香藥寶貨羊豕  
民間典賣莊田店宅馬牛驢羸橐駝及商人販茶皆筭

有敢藏匿物貨為官司所捕獲沒其三分之一仍以其  
半與捕者至道元二年九月詔兩浙諸州紙扇芒屨及  
他細碎物皆勿稅十二月十九日通判永興軍府楊章  
言官市脩河竹六十餘萬竿望免稅詔從之二年十二  
月詔民間所織縑帛非出鬻於市者勿得收筭三年七  
月二十一日峽路轉運司言近歲猷封者請增歸峽等  
州稅算名件商賈不行詔除之二十八日上封者言嶺  
南村墟聚落間會日集裨販謂之虛市請降條約令於  
城邑交易與增市筭帝曰徒擾民爾可仍其舊八月四  
日除杭越州寺院童行錢民所賦丁身錢先時是錢假  
時民納丁稅錢其出家童行未入僧籍亦輸之至是除

元二十日江南轉運司言吉州稅物有名件繁細者頗  
擾于民詔並除之十月知益州張詠言萬州管內有官  
收津渡錢數百貫魚有稅場皆甚擾民詔並除放十二  
月一日免洪州袁州每歲二社酒錢真宗咸平元年二  
月除渠閘二州祐牛骨稅錢十一月除代州板橋木筭  
錢三年三月免通州蔡港渡錢六月十日詔以荆湖艱  
食令桂州已北勿禁人商販糧斛仍蠲其征筭五年二  
月十九日除果州官邸店本課外地鋪錢二十三日除  
合州赤水巴川二縣長利謝市樓灘三鎮酒稅錢以經  
寇殘弊也景德元年七月魯國長公主言先遣人往華  
州市木乞免商稅帝曰先朝深戒戚里不得於西路收

市材木蓋慮因緣販易侵壞法制魯國所請且從之可  
召駙馬都尉柴宗慶諭旨自今不得如此十二月十一  
日以河北經寇乏耕牛免河南商人賣牛稅二年三月  
詔具州民所輸稅物先經商稅院收弄然後輸官甚  
無謂也宜除之先是節度使孟元結在鎮日令民當輸  
稅物者先弄規其餘羨以備留使之用帝聞之而有是  
詔八月二十九日詔涇原儀渭等州蕃部所給馬價茶  
沿路免其稅弄三年三月免蘭州民造舍所輸竹木稅  
錢四月一日詔河北諸州軍市征權酤比常課不及者  
特展限三月六月八日詔東西兩川商稅鹽酒課所納  
二分金宜罷之其願納者聽先是計司請令半輸銀帛

外其二分入金帝聞其州郡不產故有是詔十二日除  
杭越等十三州軍稅鵝鴨年額錢先是江浙諸州奉詔  
鵝鴨稅而司關征者尚計三額故申明之九月詔京  
城稅炭場自今抽稅特減十之三四年六月詔淮南轉  
運司楊州民採荻柴官中承例十稅其二自今除之七  
月二日詔河南府永安縣民僦官舍錢減其半永為定  
制大中祥符元年九月免夔州地基錢錢改築新城徙民  
居之有輸課者至是罷焉二年二月免文武官所市食  
羊筭錢四月江淮發運使李溥言糧綱舟卒隨行有少  
物貨經歷州縣悉收稅筭望與鵝鴨免從之六月七日詔  
自今諸色人將帶片散茶出新城門百錢已上商稅

引百錢已下只遵門收稅村坊百姓買供家食茶末五斤已下出門者免稅商賈茶貨并茶末依舊出引十四日除昇州竹木稅十月詔如聞并州民鬻石炭者每駄抽稅十斤自今除之三年閏二月詔在京諸軍賣所請春冬衣絹帛者自今勿收稅先是殿前司諸軍營在新城外者賣所請衣帛不得過一月踰月即依例收算月內賣者皆本軍出引城門驗以出入軍士至衆給驗頗繁故有是詔十二月九日詔天下樵魚及貧乏者所過津渡悉免其筭四年七月一日詔兩浙福建荆湖南北廣南東西路歲輸身丁錢四十五萬四百六貫並從之五年正月二十八日除沿漢江州軍渡船力勝錢二月

十九日詔京東西路河北陝西江淮南民以柴薪渡河  
津者勿出算稅二十五日免河北諸州麴稅四月十三  
日詔如聞雄霸州民因水壞田而艱食者多捕魚自給  
官復收其市算宜除之二十二日除饒信州買銅場壞  
稅錢六年四月免瓊州螺蚌錢稅七月詔曰關市之征  
所以禁末業田疇之利所以勸力耕豈於稼器之中亦  
收商算之利自今諸路州軍農器並免收稅初知賓州  
呂夷簡言請免河北農器之稅帝曰務穡勸耕古之道  
也豈獨河北哉故有是詔十九日詔諸路茶鹽稅及諸  
務自今總一歲之課合為一以祖額較之有虧損則計  
分數其知州軍通判減監官一等科罰州司典史減專



典一寺區斷文臣及武臣知州軍者止罰通判已下時  
上封者言諸路歲課增羨知州通判皆書歷為最有虧  
損則無罰請行條約故也八年六月三司言太平興國  
寺甘露戒壇院主通昇增於信州鉛山民程文祐施青碌  
八千斤充裝彩佛像浮圖物乞免一路商稅省司見招誘  
人戶中賣入官若隱留貨物物當行買納仍別勘罪今壇  
昇不獨無例免稅兼違先降宣命欲下江南轉運司施  
行帝曰裝閣彩色不可闕須與民間收貯者不同論計  
司寢之七月二十二日詔曰農牛之力田畝是資念疫  
癘之所傷實耕耘之有廢宜蠲市筭以助蒸民諸處百  
姓買賣牛稅並放一年九年三月一日詔如聞雷州勒

村耆月納無名商稅錢自今除之十二月二十一日詔  
河北京東民以車乘糴種糧者江河津渡勿收其筭俟  
稔歲奏以待報天禧元年三月三司言石州伏落津路  
商旅棧木稅錢准例給長引不納沿路稅筭至京即併  
計之因茲為弊頗虧失課額望許沿路收稅帝曰如因  
修奉宮觀採數即依近詔停罷或久例所費當從其請  
四月二十三日帝謂宰臣曰如聞知廣州李應機為政  
峻急先任廣南轉運使嘗言廣州民無丁稅米建議科  
納尋詔本路詳字累政皆難其事今應機領郡因欲遂  
其前志遠方之民務在綏輯驟增賦調亦恐非便可罷  
之七月十一日詔開封府京東西河北河東陝西淮南

等路旱損虫傷苗稼已經遣官體量者據分數便許度種十一月駕部員外郎張紳言泛海客旅於潤州及住程州郡兩次納稅錢必恐興敗少利乞下兩浙轉運司知行船不經沿路地分只納一處稅錢從之二年七月詔處諸乾食鹽錢不係屋稅田賦出於浮客旋配掠者並除之八月二十七日免青州源河口乾渡課錢三年七月除金水河水戶課錢九月詔嵐州自來收稅脂麻宜特除之應諸處承前收稅斛斗者悉准此四年七月淮南江浙體量安撫韓億言諸路民拆舍屋賣材木者請勿收稅筭從之五年二月詔自今客人於蘄口太湖石橋洗馬寺四處場務筭買諸色號茶貨如到泗州

在正

額取淮河前去入在陽潁州陳州舊路上京者聽從便  
令依例送納舊路商稅如願借汴河路上京者令只納  
舊路稅錢從汴上京更不令宿亳州南京三處稅則  
例送納隨船行貨物色力勝頭子包角等錢即逐處依  
例收納九月免夔州買銀稅錢先是本州買上供銀舊  
例商人齎銀入城者每兩稅錢四百五十文足如無鄰  
州公引即倍稅之以是商人罕復販鬻而所買殊少轉  
運使以為請而有是命仁宗天聖元年二月詔商販客  
旅於山陽權務算請茶課從起發地頭沿路經過禁權  
地分合納稅錢令在京權貨務抄上文簿拘轄召夫引  
鋪戶充保給與公憑沿路批鑿合納稅錢自起離請茶

場務月分爲始立限半年一併於在京權貨務收納每  
年不雪磨勘常有積欠本路分批見有違限未納錢四  
萬九千六百餘貫及限未滿錢二十二萬八千五百餘  
貫自今每違限一月條欠每十千罰納錢一千違限三  
月條欠每十千罰納錢一千違限三月已上除依月納  
錢外差人監貨元通抵當家業陪填如不足即於連保  
鋪戶下均攤收理委都大提舉庫務每年終取索驅磨  
當年已納見欠數目以聞七月三司監鐵副使俞獻可  
言乞下陝府西轉運司今鳳州或鳳翔府每川陝綱運  
令稅務監官十檐內許抽揀一兩檐點檢如有影帶匹  
帛即盡底點檢勘罪依條施行從之八月十六日三司

言使杭州狀富陽縣民蔣澤等捉到客人沈贊羅一百  
八十二匹沒納入官支給賞錢省司看詳條看賞婺州  
羅帛客旅沿路偷稅盡納入官即無條許夫告人賞錢  
欲依條支給數多不得過一百貫從之十月十三日淮  
南江浙荆湖制置發運使趙賀言乞下淮南江浙荆湖  
轉運司令沿江河州軍商稅務應綱運經過畫時點檢  
發遣不得住滯從之二年四月在京商稅院言舊例諸  
色人將銀并銀器出京城門每兩稅錢四十文足金即  
不稅請自今每兩稅錢二百文省從之七月詔商旅算  
射十三山場茶貨沿路稅務驗認公引如正茶與耗茶  
到住賣處以不正耗並收稅若或無茶正只是耗茶按

數收稅即不得將貼射一色中號茶秤出剝數收納淨  
利倍稅阻滯算射九月五日三司請自今應緣聘禮物  
色匹帛除本州縣使用即免納稅出他境及經由商稅  
處即依例收稅所在不得出聘禮公驗從之三年七月  
二日方仲荀張綸等言荆湖路州軍攬載官中糧斛客  
船乞放免沿江州軍上水空船力勝稅錢從之八月司  
封貢外即盛京言萬州民貨鬻斛斗商稅務收納稅錢  
從是緣村民刀耕火種所獲不多望免收稅帝曰遠俗  
至貧非理科率何以存濟宜亟依所請四年四月免諸  
路州軍犂具稅錢時高郵軍商稅務令農氏納犁具稅  
錢本軍以為言而有是命六日審判院言准咸平四年

詔京朝幕職官州縣官今後在任及赴任得替不得將  
行貨物色與販如違並科違勅之罪商物依例抽罰  
如非興販即逐處不得要有點檢申舉俸餘買物贍家  
之外貨賣如有發露並作違制私罪定斷參詳未便乞  
今後應官負使臣赴任不得興販行貨於本任貨賣及  
在任買物如違並依元勅定斷若得替抽稅並許於  
本處依在市見賣價例收買物色或如虧損致人論訴  
即依條施行從之五月詔客旅興販山場權務茶貨額  
預先於在京權貨務出給公憑沿路批上稅錢到京一  
併送納所有禁權地分合納稅錢以起離向南場務月  
分為始立限半年送納如違令倍納七月詔山場權務



茶貨稅錢展限一年上京送納違限倍納之八月七日  
京西體量安撫王咨言汝潁之間近值大水衝注牛畜  
雖有原田無牛耕種之下汝州應有百姓買賣耕牛持  
免稅錢從之十月十三日免雄霸瀛莫深州順安保定  
信安軍人採劉蒲葦莎蘆製造蘆簾蘆箔魚捕魚蝦稅  
至來年麥成日依舊十一月八日京西轉運使張意言  
元舉行端拱二年至大中祥符二年內勅百姓輸納  
稅經過處津渡與免渡錢從之五年六月詔客人買請  
茶貨出離禁地轉入清河欲於京東淮陽軍路往河北  
住賣處送納稅錢並依禁權及通產地處正隔汴路河  
北入中茶貨批過稅錢體例今於在京權貨務請給公

憑沿路批稅以指住(定)賣州軍稅錢日分為始於元限  
五十日上虞襄四十日作三月限內上京於權貨務送  
納如違限倍納仰元指定州軍據合收稅依則例抄上  
公憑令依例貨賣仍具挑過客人姓名稅錢闕報權貨  
務拘管依日限勾收准納六年四月六日免荆南公安  
縣津渡收納牛稅錢以每月只收三五緡從轉運使王  
碩所奏免之六月三日免梓州路轉下厥廬等州收納  
客旅興販斛斗稅錢事帝曰稅及民食無乃太過乎因  
本路奏從之七月詔自今民販生鐵器上京所經縣鎮  
依諸雜物例關報上京送納稅錢若山於率界縣鎮貨  
賣並令本縣收納過稅給付公引至所到縣鎮住賣別

不疑下

卷一百一十四

三

收住稅時有商人自磁州販鬻鐵器經過府界諸縣而無收稅之例故商稅院言而條約之九月十一日免雄霸等州軍水災人戶採捕魚鱉葦箔者稅錢十二月二十一日臣僚上言有乞稅錢陌者帝曰貨泉之利俾其流布而稅及之為患深矣不可施行七年正月淮南江浙荆湖制置司言真楚州高郵軍狀客人執在京等貨務公憑并無為軍權貨務文帖弄買茶貨借路不泗真揚等州稅錢入汴上京虧却逐務課利勘會客人弄買山場權務茶貨元無借條始因大中祥符中客人買販蘄口洗馬石橋太湖茶貨到蘆州泥水阻滯車牛權令轉江船般借路取真揚州高郵軍楚泗州經過只納

舊路廬壽等州一路稅錢後來客人援例借汴路上京  
乞下三司定奪或與於真揚州高郵軍楚河宿州亳州  
永城南京稅務合收稅錢減放錢數今客人正納經過  
場務稅錢更不立借路名目三司看詳欲乞自今客人  
販賣新口太湖洗馬石橋無為軍等五處場務茶貨如  
取西路廬壽正陽等州軍上京並令依舊送納本路稅  
錢或若水路船般轉江下來取東路真揚州高郵軍楚  
泗州宿州亳州南京經過上京者依販買漢陽權務等處  
茶例並依經過去處正收錢稅更不立借路名目依元  
日限於在京權貨務送納從之二月詔今後在京新城  
諸門使臣如有專欄作弊透漏稅物事販勒鞠指稅印

章是專欄收掌雖招照檢不細致透漏收上稅物  
錢及一千其專欄曹司並勒停監官並為私罪勘斷仍  
將通年本門收稅課額至年滿日比較如有增盈即依  
元勅與近地住程如虧欠二分已上即更與短仗一次  
方與近地住程如與專欄知情容縱即更不免遠任  
差遣如有入已依條斷遣仍降差遣如比連年增剩五  
分已上依元條免遠任仍與優便差遣其應條合送納  
商稅物色只及一千已下稅錢者并諸竹木蕭箔之類  
並就門收稅放入更不押赴商稅院一千已上稅錢  
舊於商稅院納稅出引三月十七日兵部侍郎知青州  
李迪上言河北京東饑民有逃糴者望令所至與免渡

依

輪稅錢  
十五文詔只  
輪二十文閏  
十月九日除  
鎮戎軍羊  
毛稅錢  
治民特運  
司上

錢從之四月十二日詔諸州商稅人繒帛無得過為清  
壞時內出眉州皂羅一端稅印朱漬數幅故也九月七  
日三司戶部副使鍾瑾等上言河北水災州軍渡錢除  
商販鬻物仍舊輸課外其流民往還望免其課從之九  
年四月二日詔萊州自今無庸得收牛肉稅算時秘書  
丞張周物上言官禁屠牛而州場稅勝有收算之文請  
刊此條故也八月十二日三司請自今鴈面茶到京佳  
賣者從轉運使之奏也歲裁五十文十年二月十一日  
除明州海蛤沙地稅算縱民收取景祐元年十二月一  
日中書門下言如聞客人將牛畜與販經過州軍關津  
渡口及出賣去處故作邀難今來曉得豐稔人戶收買

案天聖  
無十年  
此亦年  
恐誤

耕牛之際詔買賣牛畜錢於十分中量減二分二年九月七日崇因院普安郡主尼法護言宣化門收買果園地還塋故父蘇王及母親續買菜園四所展本院墳園乞免逐年夏稅開封府據園地土與免稅所有菜園等許令依舊佃時即不得一例放免稅賦四年八月四日詔自今諸路外縣鹽茶酒稅務除有正官專監其比較虧少課額令佐自來係鹽監去處所有賞罰一依都鹽監押魚鹽賞罰條例減專監一等十月二十七日詔沿邊都鹽押難不魚鹽場務或有興販私鹽酒等公然容縱不捉赴官致虧課利自今須多方巡轄不得違慢如別彰露鹽押並勘罪施行康定元年十一月十九日詔

聞諸路州軍所收諸般課利近日當職官吏頗有規畫  
增添名額剝削名利剝奉上及搜檢稅物不依條例  
妄作邀難住滯商旅異為績効苟免責罰且令州府軍  
監縣鎮關津今後並依自來體例點檢不得剝增無名  
稅額及搜檢過往家屬茶鹽酒麵諸般課利並循舊規  
不得妄有規畫增添 慶厯五年五月二日三司使王  
堯臣言請今後在京及諸州陳告稅物見在未貨易者  
與限二十日已貨易與限十日許諸色人陳告仍以隱  
稅日為始殺猪羊者以私殺日為始並須依編勅指定  
隱藏處所及賣與何人照證分明在日限內官司方得  
受理若貨已易其物見在照證分明只據見在物許告



官與限半月仍以偷稅貨易日為始物無見在及限外  
不得告論官司亦不得受理其在限外而因官司點檢  
敗獲者自依漏稅勅條施行從之八年十二月詔河北  
京東西災傷州縣流民隨行之物所直三千錢已下已  
令免稅尚慮諸處輒有苛留宜一切勿稅 皇祐三年  
九月詔沿汴河商稅務毋苛留公私船舟四年十一月  
詔廣南東西路安撫轉運司應經賊焚劫州縣倍加安  
輯之其營構室廬竹木並蠲其稅 嘉祐六年三月詔  
龍圖閣直學士楊畋於三司取天下課利場務五年併  
增虧者限一月別立新額時場務歲課多虧惟逐時科  
校主典而三司終不為減舊額故帝特行之 神宗熙

寧四年正月二十八日詔三司應買樸酒麴諸坊場每  
貫納稅錢五十文仍別封樁以祿吏人六年十二月二  
十五日詔京外城二十門監門自今更不管認課利但  
隨關要分五等以透漏捕獲出入商稅錢數為賞罰從  
都商稅院請也八年正月十二日詳定編敕所言相度  
到開封府界京東京西路黃牛并水牛角乞通商販從  
之五月十五日都提舉市易司言昨商稅院奉詔流民  
物貨不多免稅錢今已豐熟而諸門放稅如故慮失歲  
課請如舊制從之元豐元年七月十二日詔諸路轉  
運司就解舍所在州置都斗秤務委都監管轄工作別  
差官校定送諸州商稅務賣之八月十三日詔開封府

界京東路皮角並依舊通商二十八日頒 滄三州第  
四等以下被水災民零販竹木魚果炭箔等物稅百錢  
以下聽權免一季三年三月二十四日都大提舉導洛  
通汴司宋用臣言近泗州置場堆垛商貨本司船承攬  
般載將欲至京乞以通津水門（順外）成倉為堆垛場從  
之 四月二十八日詔非導洛司船輒載商人稅物入  
汴者雖經場務投稅並許人告罪賞依私載法即服食  
器用日費非販易者勿禁官船附載發箔柴草竹木亦  
聽仍責巡河維綱巡檢都監司覺察從宋用臣請也  
十二月二日瓊管體量宋初平言海南收稅用船之丈  
尺量納謂之格納其法分為三等假如五丈三尺為第

二等則是五丈二尺遂為第三等所減繞一尺而納錢  
多少相去十倍加之客人所來州郡物貨貴賤不同自  
泉福兩浙湖廣來者一色載金銀匹帛所值或及萬餘  
貫自高化來者唯載米色瓦器牛畜之類所值或不過  
二三百貫其不等如此而用丈尺槩收稅甚非理也以  
故泉福客人多方規利而高化客人不至以此海南少  
有牛米之類今欲立法使客船須得就泊瓊崖儋萬四  
州不用丈尺止據物貨收稅訖官中出與公憑方得於  
管下出賣其偷稅之人并不就海口收稅者許人告並  
以船貨充賞從之 四年八月七日後花房廊所言取  
蔡河南房廊屋并舊在驕驤院地修蓋寄收蔡河賈人

穀及堆垛六路百貨從之 十五日都大提舉汴河隄岸宋用臣言本司沿汴及京城所房廊地並召人僦納官課紙紅花麻布繆行皆隸本所為堆垛場今馮景杓機賣紙欲乞據本司已立逐行外餘令馮景杓課額各辦詔八月已前以貨隄岸司及京城所房屋堆垛物在地者更不起遣餘毋得妄拘攔騷擾行市 六年九月四日京東路轉運副使吳居厚言本路元豐三年秋季至今年上半年終酒稅課利比元豐二年前官任內祖額增百七十九萬五千餘緡其前任內二年酒務比祖額虧二十一萬緡上批居厚於二三年間坐致財用數百萬計三省可議賞典 哲宗元祐三年四月

靖一錄

十一日淮南路轉運司請減安河務稅令龜山鎮置務  
為稅額從之 六月二十三日詔在京都商稅院以天  
聖年所收歲課為額 元祐初戶部用五年并增法立  
新額至是言者論之故有是詔 六年正月十八日京  
東轉運司言宣德郎趙靖<sup>請</sup>修徐州百步呂梁仍差小使  
臣一員專監河稅兼管幹隄門公事立課程留滯約束  
損壞決溢之法從之 七年七月七日詔罷諸路人戶  
買撲土產稅場八年十月二十三日詔外路客人興販  
斛斗願入京糴貨者應合收力勝稅錢並權免納以尚  
書省言在京穀貴欲使商販流行以平市價也 紹聖  
元年九月二十五日詔府界并諸路稅務年終課利增

額並依元豐格從三省請也

三年十一月十八日殿

中侍御史陳次升言監司自元祐四年後取稅額增虧  
及二分者比類取旨賞罰請令戶部責限勾考從之 藏

宗建中靖國元年三月十四日戶部狀近據兩浙轉運  
司申訪聞民間日前多有典買田宅孳畜船車等私立  
契書因為少得見錢赴官投納印稅內因循出達條限  
避免倍輸多是收藏白契在私不曾經官投納稅錢本  
司申請省部畫降指揮許與展限首納只收一重正稅  
官錢所展限內稍有首收稅名件今來欲乞依逐次已得  
指揮自指揮到日為始從之 二十五日刑部狀峽州  
申准元符令節文諸請給若恩賜物免稅其品官供家

服用之物非興販者准此看詳上條品官供家服用之物未審品官合用馬牛駝驢合與不合入服用之例送寺參詳據本寺狀元符令服用之物止謂衣帛器用之屬其馬牛駝驢即非服用之物從之崇寧元年十二月十一日京東都大提舉汴河堤岸榆柳賊盜公事王憲等奏乞復興導洛物資場如元乞委臣等一面措置興復物資場故事仍乞依舊於順成倉辟截教屋為之場地其泗州揚屋即下本州修葺其合用舟船逐急於淮南發運司撥借溫明州運船一百隻應副貼黃稱勘會京西先亦曾置物資場用官船般載客貨收納貨利錢如蒙興復即乞一就施行從之令鄭僅同共相度開



奏 二年四月九日尚書省劄子涇原路經畧安撫使  
邢恕奏本路撫養庫回易物貨乞特免沿路往復商稅  
從之 五年九月十七日詔令戶部取索天下稅務自  
今日以前五年內所收稅錢并名件歷差官看詳參酌  
稅物名件稅錢多寡立為中制頒下諸路造為板榜十  
年一易永遠遵守外輒增名額及多收稅錢並以違制  
論其民間柴薪米鹽衣服之類與免收稅仍各不得虧  
損元額候立到法仰三省看訖頒降施行先自京畿四  
輔以及天下 大觀四年四月二十二日工部奏改贈  
開府儀同三司張康國妻成安郡夫人喻氏狀本家見  
就揚州修置夫開府墳塋欲於淮浙真揚等州收買木

植磚瓦釘灰彩色米漆雜物之類應副裝修使用欲乞  
蠲免沿路場務抽解及拘欄和買收稅等工部檢准元  
符令諸太中大夫閤門使以上買竹木之類修宅者許  
自給文憑逐處審驗免和買今來喻氏所乞內和買一  
節本部勘當欲依上條施行戶部勘會元符令止是免  
和買所有抽解收稅等無文該載許免今勘當所乞欲  
依元符條令施行詔依喻氏所乞 政和三年八月十  
六日淮南路轉運副使徐閔中奏乞將真州江口抽稅  
竹木務正監官窠闕許轉運司於文臣內奏舉知縣今  
或職官資庫人一次候至成任比較如委有增羨即乞  
永遠充本司舉辟窠闕其俸錢依品官外供給驛券人

從並依元監官所得指揮施行從之 七年三月二十  
二日陝西河東河北路宣撫使司奏據環慶路經畧司  
申檢會崇寧二年四月十一日涇原路經畧安撫使邢  
恕奏先乞降空名度牒二千道充本路撫養庫支用於  
在京及諸路取便出賣回易所有物貨乞特免沿路往  
復商稅有旨依奏今來邊事之際全藉回易收息應副  
支用伏乞詳酌將本路撫養庫探事本錢往諸處回易  
其易買物貨許依涇原體例特免沿路往復商稅從之  
八年八月十七日臣僚上言伏見天下商稅務欲乞  
應客人商稅之物所經由私小路並令欄頭只批引放  
過就前路官務照驗一併收稅庶幾可以少絕偷稅之

有補財用詔臣僚所言關市之征走失正稅漕司失職  
邦計何賴仰戶部遍牒諸路漕司措置施行 宣和元  
年正月二十七日詔應客人興販米斛般赴災傷州縣  
並免沿路力勝稅錢候豐熟日依舊從江西提舉常平  
司請也 二年十一月十八日臣僚上言乞降睿旨應  
宮觀寺院臣僚之家雜載舟船若過關津並許搜檢依  
條輸納稅錢仍歲終其所過次數申轉運司類聚奏聞  
取旨庶幾不至虧失常賦而背公營私之私徒有所畏懼  
詔並依元豐法應專降指揮更不施行 三年二月二  
十八日詔江東兩浙近緣群賊燒劫居民屋宇令來人  
戶漸已歸業修葺居止應人戶採買及客販瓦木材植

之類往江浙被盜處營葺及貨賣者與免沿路抽分及  
力勝稅錢關津渡口不得少有邀阻乞覓監司巡歷所  
至覺察 三月二十三日又詔被焚劫州縣人戶販賣

物色錢往他處收買修造材植等官為給據免抽稅一

年 四月二十五日詔訪<sub>聞北</sub>來客人興販斛斛舟船多是

官綱及寺觀等船截欄河道非理阻節州軍縣鎮虛以  
和糴為名邀抑不得起發所至場務公私搔擾乞覓錢  
物稍有不從即加撻力勝收稅過數當職官容縱監司  
失於措置緣此商賈不行其弊甚大可立法懲革仍遍  
行合屬路分州委守臣縣委令佐分明出榜曉諭客人  
應興販斛斗如願赴都下者限指揮到日與權免力勝

席角等錢半年其所販斛斛候至京許令依市價往自  
糴費限滿依舊應有闕防等及合下路分令尚書省條  
具取旨 八月十二日詔應興販及賣蠶織農具及耕  
牛往兩浙江東路者仰經所屬自陳給公憑照會沿路  
免稅一年津渡官司不得少有邀阻於本路興販及買  
置者准此 四年二月二十日詔應諸路近歲增收稅  
錢舊充應奉既非漕計又非諸司所隸無會計之法吏  
緣為姦十失八九可並撥歸應奉司充御前支用仍委  
諸路提刑司拘轄稽察歲終具逐州縣收支見管應奉  
司依已降指揮驅磨以聞他司輒陳乞或移用者以違  
御筆論 五月二十七日發運副使呂滂奏契勘江寧

府真潤州有抽稅木植欲乞指揮除朝廷取撥分數外  
盡撥充添修倉屋打造網船使用庶省官錢從之 六  
月十四日詔官司將客人船載有公據買鹽鈔見錢妄  
喝稅物收稅致留滯者依網運所至約喝無名稅錢法  
科徒二年從右朝請郎唐續請也 五年九月二十三  
日詔東南六路販入京斛斛自今年十月為頭依舊收  
納力勝 十二月十一日詔訪聞沿汴州縣緝添欄河  
鑿欄利在專欄乞覓監官不復宿直便於宴遊而已所  
收歲額未嘗別有增羨其如留阻每船官網兵梢糜費  
侵盜斛斛商旅營販夜以繼日今乃留滯公私不便可  
並令依元豐舊制仍曉諭商旅通知二十日提舉京畿

京西路鹽事狀河陽管下河陰汜水縣稅務正當衝會  
只有添到歸朝官獨負在務其正官並各差出竊詳歸  
朝官依法不許差注獨負監務今相度欲令州縣場務  
監官內如有似此添差官係歸朝官去處其正官常留  
一員相兼管勾職事所有汜水河陰兩縣稅務已差出  
正官亦乞今日下還任詔從之如正官依條合差出即  
依獨負處差官兼權諸路依此 六年八月二十五日  
戶部奏兩浙轉運司狀勘會管下州縣其間稅場雖舊  
不置監官所收課利浩瀚只令欄頭收稅赴錢甚失省  
則如平江府常熟縣支塘稅場雖屬許浦鎮稅務管勾  
只差欄頭在彼拘收稅錢不曾立定年額錢數及無正



官監當今相度應管下稅鋪所收稅錢數多無監官去處許本司於待闕或得督官選差權監措置收趁課額如一年內所收稅錢增羨聽本司相度置場舉辟有風力官申奏朝廷差注從之 七年正月二日詔在京小民用之物多自外販比緣外方荒歉流移物來稍少其價甚貴細民艱食自今應在京及畿內油炭麴布絮商稅并力勝錢並權免收不得邀阻搜檢違者以違御筆論仍特與理為課額其稅錢令戶部月具數數申尚書省取旨發還 欽宗靖康元年四月十四日詔都城物價未平來者尚少入門楮羊及應干合稅物色並權更免稅一季以上續四朝會要高宗建炎元年五月一

日赦京城圍閉日久道路方通商賈有欲販販物貨上  
京者並經州縣自陳出給公據特與免沿路稅錢力勝  
七月九日兩浙轉運司言本路稅務官課自准五月  
一日赦文及今一月免放稅錢已多乞自今合出公據  
上京商旅並召土著人戶保識到京日於諸門點檢及  
在京都稅院勘驗元數批引執照候回赴所屬繳納如  
無照據即以元販物色計所過場務依自來則例追納  
稅錢力勝若到京數目少於元數即據所少數追納如  
逃避不回即坐元保從之 十月六日淮南轉運副使  
李傳正言登極赦文商賈般販物貨上京特與免沿路  
稅錢力勝泗州青陽一鎮未兩月免放過三價有時一

路所放不可勝計欲望截至某月日住免詔自今年十月十五日依舊收稅諸路依此二年四月二十七日詔應客~~販~~糧斛柴草入京船車經由官司抑令納勝商稅錢者從杖一百科罪許客人越訴收數多法應重者自從本法五月十一日曲赦河北陝西京東路應曾被賊焚燒官私舍屋如係~~戶~~<sup>屋</sup>屋業即放屋稅錢一料其餘官出賣舍屋即權住所納課利並候修蓋了日依舊仍不得過一季須管了畢若官屋未能修蓋而人戶願自備材植修蓋佃賃者聽檢計所費增加二分~~在~~<sup>折</sup>準合納課利所用材木等權免商稅及抽分六月二十一日詔應荆湖江浙路客販米斛赴行在而經由稅務報

於別外增收稅錢罪輕者徒一年許詣尚書省越訴

九月二十二日東京留守兼開封尹杜充言京城物斛

湧貴客販益米多被沿河口岸邀難大納力勝稅錢乞

令客人於裝發州縣官司具數自陳出納公據收執並

與免沿河口岸力勝稅錢候到京城將公據付都商稅

院繳納如官司輒敢阻節並聽於鄰近官司陳訴從之

三年四月一日詔應與販物斛入京許客人經所在

去處陳狀出給公據沿路商稅力勝並特放免糶到價

錢不限貫百令留守司驗實給據放令出門其般販先

至京城入中數多之人從留守司具名取旨當議推賞

如官司輒敢非理邀阻許客人越訴官吏重行編置仍

仰逐路提刑司常切覺察 九月一日御營使司參議  
官兼措置軍前財用李迨言客人多江西湖南般運斛  
斛竹木前來建康府往往弄請鹽鈔并糴米以回貨經  
由一處稅場抑令納力勝稅錢數百千者以至其餘物  
貨皆不依條例數倍收稅致商旅不通實害利源伏望  
申嚴禁約如有違戾當職官重賜點責欄頭公人決配  
許容越訴專委提舉茶鹽官按治督責諸州主管官常  
切檢察如失按舉與同罪從之 四年二月二十三日  
德音應殘破州縣民間建造屋宇合用竹木磚瓦之類  
並與免稅仍免抽分 紹興二年六月二十日兩浙轉  
運司言從事郎歐陽友申乞於處州管下君溪稅場創

置稅場事詔依其合差官令本司辟差木朱記仍許雕  
造 九月四日敕民間遭罹兵火耕牛宰殺殆盡應州  
縣人戶典買耕牛特與免納稅錢一年其客旅興販去  
處準此 三年九月十三日詔臨安府近緣居民遭火  
四向販到竹木蔴箔並權免抽解收稅 五年正月十  
五日德音殘破州軍收復之初務要商旅通行販賣耕  
牛米麥應經由去處特與免稅 閏二月五日新知楊  
州葉煥奏本州焚蕩之後百物所需盡仰江浙販運到  
來乞降指揮許客人販運斛斛布帛農具竹木丁鐵柴  
菜油麵之類應干雜物等到本州並免瓜州并在城稅  
務收稅一年亦不抽解候來年春末依舊收稅從之

四月六日戶部尚書章誼等言建康府在城稅務一任所收商稅比類計增四十六萬餘貫依累賞法通計該減磨勘三十三年已闕司勳依條施行望特與比附推恩仍將本官在任宣力所收錢數候推恩了日頒行詔沈敦特與改次等合入官仍頒行諸路八月二十四日德音荆湖附近水寨標撥田土闕少耕牛令招誘客人興販前去與免沿路商稅并龍陽軍官私起蓋屋宇材木物料等免沿路抽解收稅一年十月十八日臣寮言應民旅般販米斛往平陽州縣雖乞依日前指揮許就官司判狀執據與免經由場務力勝從之三十日詔令兩浙江西都轉運諸路轉運司

取索本路應干稅物則例體度市價增損務令適中仍將諸色稅物合收稅錢則例大字榜示使客旅通知今後仰所委官每半年一次再行體度市價依此增損施行  
六年十月八日崑山知縣張漢之言本縣界東接吳松江應有海道客旅販物貨沿江灣浦邊枕吳松大江連接海洋大川商賈舟船多是稍入吳松江取江灣浦入秀州青龍鎮其江灣正係商賈經由衝要之地其間有不到青龍地頭收稅使於江灣路出賣客旅得以偷瞞商稅不無走失課利今乞於江灣浦口置場量收過稅從之  
七年二月二十二日知平江府章誼言近准朝旨於崑山縣江灣創置稅務已申朝廷乞差



監官今本處浦港正係商賈興販舶貨經由去處人煙  
繁盛見有巡檢置寨其煙火公事舊係買納鹽場官兼  
管若注授右選及未改官人切慮難以彈壓欲乞朝廷  
差京朝官一員監收稅課仍許兼領煙火公事詔依  
○年九月二十二日明堂敕昨降指揮令四川江東西  
湖南北漕司將管下州軍縣鎮不係舊來收稅一面增  
置場稅立便住罷仍將合收稅處不得過收稅錢訪聞  
臨江軍管下新淦縣稅場自住罷之後依前收稅已送  
戶部取問本軍因依外切慮餘路尚似此去處仰逐路  
轉運司檢照已降指揮開具本路元增置若干稅場各  
於某年月日住罷後來有無違戾去處及將合收稅錢

曹如何指置懲革逐一保明中尚書省仍令帥司憲司察務令商賈通快不致邀阻 八年三月十四日十  
書門下省言比年人戶漸次歸業樂事田畝全藉耕牛  
布種訪聞人戶買販耕牛州縣往往收稅邀阻及鼓鑄  
農器經過關津亦不依條免稅甚失朝廷恤農民之意  
欲應諸路買販耕牛特與免收牙契及稅并農器亦不  
得依前違法收稅令監司常切覺察仍多出文牒曉諭  
從之 十年月九月十日明堂教訪聞諸路州縣軍鎮稅  
務除依法合置專欄外類皆過數招收并有監官親隨  
之類通同作弊倍有搭取客旅因致暗增物價可令諸  
路提刑司將管下稅務見今冗占人數日下減放嚴行

禁止立賞告捉仍令知通常切檢察 十二年九月十

二日敕州縣稅場客人稅稅自有立定省則訪聞監當

官專欄類皆過數搭錢取而端欺隱至有每月量以分數

獻入公帑交相蒙蔽無復忌憚致得錢重物輕公私為

害自今各仰遵守成法尚敢蹈襲重行典憲 十三年

二月十一日臣僚言近來諸官司等處多以回易營繕

之類為名出給文引沿路照免商稅欲乞行下州縣自

今後應于官司等處販物貨不以有無指揮及出給

引歷之類並依條收稅不得更行放免從之 七月十

九日詔添置武昌軍金口稅務監官一員 十一月八

日南郊敕所在稅務課額各有定制本意惠通商賈懲

遷萬貨近來州縣稅務官吏作弊又有鎮市稅場或監  
官獨負或止差暫權去處抑勒額外過數格取以至客  
人偷經私捷小路却致暗失課入或將所收之數私  
隱沒別厯侵盜前後約束終未盡革可委通判專一行  
縣檢察務令商賈通行如違轉運司按劾以聞 十四  
年正月二十六日封州言在城務令酌中以紹興九年  
收到稅錢七千七百七十二貫七十六文有并開建縣  
務以紹興八年收到稅錢一千二百六十一貫三百二  
十九文有並乞立為新額詔下本縣轉運司更切勘會  
如委是詣實別無夾帶應不合收使錢數在內即便行  
下所屬依條收趁 七月六日臣僚言乞申命有司凡

民間食用米並與免稅從之

十五年八月十三日上

宣諭宰臣曰朕謂天下之物有不當稅者甚多如牛米

柴麴之類是也檜奏曰如去歲浙中艱食陛下令不收

米稅故江西諸處客販俱來所全活者不可勝計

十六年七月九日詔省真州長蘆鎮稅務從本路諸司請

也十七年正月二十五日戶部言依準聖旨措置到

州縣鎮稅務違法增收稅錢并客販米斛昨降指揮並免

收稅訪聞經過稅務尚收力勝稅錢甚非朝廷寬民之

意欲下逐路轉運司日下禁止并將應干稅則逐一裁

減務令適中獨榜曉示客旅通知又稅務監官自有舊

額添差官與正官通不得過三員竊緣既有正官主管

裕一作格

其添差官自不須干預職事兼從來監官從隸元無定數往往於稅錢內侵耗作弊百端欲今後應酒稅務添差釐務官更不許干預職事如或違戾並仰通知監官按劾取旨重賜施行上可其奏因宣諭曰米已免稅如柴麵亦令措置商旅既通更令臨安府平物價則小民不致失所矣 六月二十八日詔和州梁山稅移於裕溪河口置從淮東總領司請也 十八年十一月十三日戶部言客販食米用斛依累降指揮與免稅錢務要未斛通行訪聞州縣往往違法依舊收稅或以力勝為名乞下諸路監司約束州縣許令人戶任便販販不得依前阻遏如敢違戾仰監司按劾以聞將州縣官當職官

以疑有

王處朝疑  
處朝廷

并稅務監官重賜點責公吏時行決配仍許人戶越訴  
從之 十五日荆湖南路轉運提刑常平茶鹽司言桂  
陽監臨武縣僻在山谷不通舟船創置之初人煙未甚  
翁集少有商旅經過若置商稅委是難以起辦乞候縣  
道稍風倫序起稅施行詔與免五年 十九年二月十  
三日殿中侍御史曹筠言江浙間有被災傷王處朝督  
責監司守令多方賑恤而斛斗商販蠲免租稅德至重  
也其間場務所在官吏或未能恭體朝廷寬恤之意望  
戒監司郡守常切覺察所管場務有於省額外稅者重  
賞以法而苟額元不議稅者免行免放以其名物大書  
於榜揭示行旅從之 十一月十四日南郊赦所在稅

務各有立定吏額比年以來州縣稅務率多違法額外  
增置公吏欄頭邀阻客人致商賈不行百物踊貴細民  
艱食其監司坐視略不檢察仰諸路漕臣不時巡按檢  
點將違戾去處舉致以聞如漕司失舉令提刑司互按

二十一年二月三日詔省洪州武寧縣巾口市官監  
酒稅從本路諸司之請也五月十四日詔下徽嚴州

將客販牌筏出給公據書寫客人姓名計定所販木植  
條段數目預期闕報前路經由州縣及臨安府等處官  
司照會如輒於中路載往別處諸許色人陳吉將木植  
三分之一給告人二分沒納入官以進士張邦義言客  
販徽州木筏已罷二州抽解徑發至臨安府抽取三分



故也

六月二十五日

大理評事莫濛言場務收稅各

有定則而比年諸州郡守輒於額外令監官重加征取

又以民間日用油布席紙細微等物置場權賣展轉增

利緣此物價翔踴所得之息止資公庫無名妄用望令

監司常切檢察仍揭榜示民間許令陳訴如有違戾按

劾聞奏重寘典憲從之

二十二年二月十五日詔逐

路漕臣應沿江有稅務去處其係舊官於所隸州縣選

差官檢察稅務遇有興販客舟及上供綱運經由其檢

察官即同事監依條監視稅物依則施行如無合稅

之物即時檢放仍令所屬漕常切檢察如有違戾許從

按治以軍器監丞黃然言沿江一帶稅務比年以來

額外招收欄頭私置草厯非理邀阻欺隱作弊商旅志  
之號斬之斬陽江之湖口池之鴈汊稅務為大小法場  
咸謂利歸公家十無二三而為官吏所竊取者過半矣  
如四川二廣湖南北江東西上供綱運經由不問有無  
合稅之物每以收力勝為名喝稅動以千計監繫綱稍  
等人勒令甘認故也 十一月十八日南郊救州縣私  
置稅場節次指揮已令放罷所有客販貨物自有立定  
稅錢其稅場多緣增置專欄百色侵漁過數收稅不上  
亦歷非理破用致物價增長雖累有約束尚有未浚去  
處可令監司守臣嚴加檢察將違戾去處按劾施行務  
除宿弊 二十三年十二月前知英州陳孝則言州郡

財計除民租之外全賴稅其間有課額所入不足以給  
監官請俸之處是虛立稅務以阻行旅且英州管下有  
宜安鎮稅務每月課額止於十千而監官請俸兩倍望  
行下本路相度將宜安鎮稅務廢罷詔依仍令戶部取  
索似此去處並罷 二十四年十二月五日大理評事  
劉敏求言屢詔郡邑元收粳米稅錢近來場務乃私置  
草厯收食米稅改作白糯米收上亦厯望俾監司郡守  
常切覺察禁約從之 二十五年五月二日詔州縣稅  
場名色重複有踰常法者令有司條具一切罷去輒復  
遣人搜邏騷擾及於格法外別立賞錢者悉行禁止仍  
委監司長吏常切覺察如有違戾按劾以聞 七月十

二日詔省隨州唐城鎮稅場以本路諸司言所入不償  
所費也 十一月十九日南郊赦闕市之征條為商旅  
訪聞州縣場務利於所入以致士夫舉子路費被囊倒  
篋不問多寡一切拘攔收稅甚為苛密可令監司郡守  
嚴行禁止不得依前違戾諸州縣場務差官置吏自有  
定額訪聞州縣往往違法添置監察官增破請給侵耗  
課額及稅務輒於額外增置專攔將不合收稅之物攔  
截重歛騷擾百出商旅受害仰轉運司逐一取見不應  
差置官吏人數日下並罷私置稅場節次指揮已令廢  
罷訪聞州縣尚有依舊存留去處及於私小路邀截客  
旅重疊收稅可令轉運司契勘日下改正敢有違戾按

勅施行

十二月一日尚書刑部員外郎孫敏修言州

縣稅務凡應稅之物令申所載以所收物名則例大書

販勝揭務門外曉示而遠方州縣多不遵依省則止以

監官臨時檢喝輕重高下悉出己意由是專橫得以騷

擾作弊望下州縣稅務檢會省額分明榜示使商旅通

知如有違戾重寘典憲從之 二十六年正月十日尚

書省言近年所在稅務收稅太重雖屢降指揮裁酌減

免而商賈猶不能行蓋緣稅場太密收稅處多且如自

荆南至純州材五百餘里而稅場之屬荆南者四處夔

州與屬邑雲安巫山相去各不滿百里亦有三稅務如

此之類甚多詔令戶部行下諸路轉運司開具管下稅

務地里遠近將相去連接之處裁酌減併以寬商賈如  
縣道稅務不可減即與免過稅仍許豁免稅額其後據  
諸路轉運司申共減併稅場一百三十四處減罷九處  
免過稅五處 二月七日詔省肇慶府管下高明鐵場  
兼黃客步稅監官一員從本路諸司請也 四月十九  
日宰臣言京西淮南客販及人戶自買耕牛與免投納  
牙稅錢并住稅免三年事先是上宣諭昨降京西淮南  
未耕土田不以有無拘礙召人耕種及展免課子官借  
牛種指揮已詳備唯是耕牛深慮難得上曰關市之  
征本為商賈與販物貨如米麵之類民間食用一日不  
可無豈可一槩收稅朕所以令與免稅今耕牛與免征

稅甚好然尚恐巧作名目乞覓阻節利歸專欄須令監  
司守臣常切覺察如有違戾按劾以聞重寘典憲庶不  
為虛文沈該等曰陛下務農卹隱灼見弊端如此臣等  
敢不勤恪奉行 五月十一日臣奏言商稅近年以來  
朝廷節次行下放免米麥菽豆柴薪耕牛力勝等稅錢  
而不曾與減退稅務課額仍更立賞督責州縣致貪功  
不恤之人將無作有仰逼場務稅額既重大而又米麥  
之類並免稅則其他物貨凡到稅務者必致重枉取給  
數額故客販苦於稅場巨商大賈則收歛藏畜不行步  
檐力運者則迂枉小路以避郡縣故商旅不通課額不  
增欲將稅務年額量與減免却重行裁減收稅則例上

曰此說極有理如米麥之屬民所食用者既與免放若不量減年額則必巧作名目重歛以求數數反為民害可依所乞令戶部立法施行沈該等曰陛下至誠恤民察見利害如此天下幸甚 七月十七日尚書省言已降指揮將諸路稅務連接去處裁酌減併以寬商賈仍許豁除稅額切慮州縣將所減稅額却於其他場務增添致收稅愈重反將來文於減併去處暗差欄頭之類拘攔邀阻合行約束詔令諸路轉運司常切檢察約束將違戾官廳吏按劾申尚書省重作施行仍許民戶越訴 二十七年八月二十四日詔殿前司收買造軍器筋角牛羊皮箭筈條鐵可與免臨安府及沿路收稅



咳誤

自誤

二十八年五月八日知建州章服言建陽縣麻沙鎮後山務崇安路黃耳等三處從來只收地頭人戶土產物稅其松溪縣人吠於溫處州界首造到榷權等木植一色稅物札械取水路自出產地頭直至建州三百六十里並無收稅即與近降減併去處不自乞存留依舊只收木植一色過稅從之十月三日權知饒州唐文若言本州鄱陽縣管下石頭鎮自城下至本鎮八十里自本縣至樂平縣四十里相去一百里二十里~~間~~稅之間三稅委是頻併收稅虧欠乞將石頭鎮稅務廢併竒稅額從之十四日侍御史葉義問言臣切見近降指揮將寺觀鐘磬鐃鐵寺鐵等例行收稅而稅錢未有收附

之文若只令稅務收作日額即是暗失銅稅一項課利  
又聞諸處受納人吏多方邀阻乞覓致令本戶憚於投  
納或埋之土中或沉於溪澗實有未盡者望指揮在外  
州軍吏展限一月應受納官（紙）容人吏乞覓許人戶陳  
訴重作施行其稅錢別項椿管續聽起發如此則可以  
稽考從之 同日中書門下省言客販食米已降指揮  
免收稅近來場務却以別色斛斗為名及作力勝長收  
稅錢阻節乞覓詔令戶部申嚴見行條法指揮行下守  
臣常切覺察犯者依條計贓科罪守臣失於覺察令監  
司按劾仍令轉運司將實免過稅錢與除豁稅額 十  
一月十二日詔省臨安府於潛縣稅務監官一員從守

臣張稱

所請也

二十三日南郊教州縣稅場係收納

三五

商賈物貨稅錢並有定則近來將士夫舉子所帶路費  
非商販之物亦行拘欄抑令收稅引惹詞訟事屬違戾  
仰監司守臣常切覺察禁止所在稅場昨緣相去近密  
及收稅太重節次裁酌減併豁除稅額其私置場務並  
令廢罷以寬商賈訪聞州縣間有巧作名目暗行私復  
存留廣於間道邀稅商旅或違法差置檢察之類甚者  
將客販食米以別色斛斗為名及抑令虛認力勝百端  
邀阻過有征輸近降指揮將違犯監專欄頭計贓科罪  
尚慮作弊仰監司常切覺察如有似此違戾去處按劾  
施行 二十九年正月二十五日詔已降指揮客販食

米不得收稅仍蠲除稅額所異民不闕食訪聞諸路尚  
爾奉行減裂未船難無他貨亦故作淹留屈伏收稅又  
閩廣等路例皆販穀場務抑令納稅甚非愛民之意可  
下逐路應客販食米若無他貨並即時放行應禾穀皆  
合免稅如有違慢許民戶經監司御史臺越訴當議重  
作施行州縣出榜曉諭常切點檢月具有無違戾申尚  
書省 三月十五日戶部言昨承紹興二十六年正月  
八日已降指揮近來商賈不行蓋緣稅場太密已令諸  
路運司裁酌減併訪聞已併稅場有依舊舊制置置專  
拘欄收稅去處已日下住罷從之四月二十三日詔邵  
伯鎮稅務依舊收納過稅 先是紹興二十六年七月

十七日有詔邵伯鎮稅務減收住過稅至是復舊七月  
十七日右正言鄔民望言朝廷自紹興二十六年緣  
諸路州軍縣鎮稅場猥多節次降指揮減併一百三十  
四處減罷九處免納過稅五處議者為國家經總制錢  
條州縣將百邑官錢分隸今既減省輸錢之源即逐處  
拘收上件錢數自合裁減望下有司併將罷稅場及納  
過稅數目許令除豁年額經總制錢從之三十年正  
月十八日上謂宰臣曰聞街市米價雖不賈長少有來  
者正緣場務巧作名色收稅致令商販不通綸曰多是  
監官不得其人致令如此葉義問曰場務最是專備騷  
擾尤多上曰昨見河朔有步檐販米猶為所苦其專

欄有在十里外私自收稅者况舟船之利多於步擔其  
騷擾可知綸等曰須索嚴行關防 三十一年正月二  
十五日詔自今諸軍等處收買物色並依條收稅如有  
所降元稅指揮乞更不照用自後或再有陳請者許戶  
部執奏不行及臨安府內外場務去處尚有衷私請託  
漏稅者申嚴許人告悉令御史臺覺察彈劾從臣寮請  
也 九月二日敕所在稅場昨緣相去近密及收稅太  
重節次裁酌或併豁除稅額其私置場務並令廢罷以  
寬商賈訪聞州縣間有作名目暗行私復存留廣於間  
道邀稅商旅或違法差置檢法之類甚者將客販食米  
以別色斛斗為名及抑令虛認力勝百端邀阻過有征

二十是三十  
之誤

輸近指揮將違犯監專攔頭計贓科罪尚慮違戾反不  
即檢稅故作留滯仰監司常切覺察如有似此去處按  
劾施行 十一月十四日臣寮言乞約束所至稅務遇  
北來歸正之人有苛留搜稅之弊上曰朕自今歲夏秋  
之交便作此念若州縣場務漫不遵承何以慰吾民向  
化之意令行<sub>下</sub>不出榜關津禁止必罰無赦率臣陳康伯  
奏曰領聖旨今後有不遵依指揮者許監司按劾被告  
人直訴 二十二年三月二十五日臣寮言州縣比年  
以來多因課額不敷遣人於三二十里之外拘攔稅物  
欲避創置之名乃曰發關引所被遣者皆停罷公吏當  
稅之物則乞取而使之透漏望應州縣離城五里外巧

作發關引所創立欄稅去處並行住罷詔依仍令州縣  
嚴行禁止巧作發關引所創立欄稅去處如有違戾仰  
監司按劾聞奏